



Notat

Til:

Kommunestyret

Frå:

Meline Heimdal Haugland

Innspel til plassering av dagsturhytta frå råd for personar med nedsett funksjonsevne

Saknr/Journalnr

19/1040/20/9184//MEHH

Arkivkode

FE-233, FA-C21

Dato:

21.10.2020

Oppdatert informasjon gitt til rådet i møte 20.10.20

I råd for personar med nedsett funksjonsevne 20.10.20 informerte prosjektleiar utvalet om dei nyaste opplysningane i saka. Blant anna vart det informert om at det nye forslaget til prosjektgruppa er å plassera dagsturhytta ved Kvernesvatnet, utan tilrettelagt tursti eller toalett. Turstien til Kvernesvatnet vil uansett vera den av alternativa som er mest lavterskel for dei fleste i befolkninga. Det vil også vera mogleg å tilrettelegga turstien ved eit seinare høve då utviklingspotensialet er der.

Innspel frå råd for personar med nedsett funksjonsevne

Ut frå alternativa som vart lagt fram var rådet mest positiv til Kvernesvatnet, men Henrik Røen hadde eit innspel om plassering av dagsturhytta i Flesjane. Her har ein potensiale til å leggja tilrette for universell adgang frå sjøen, med rampe og framkomst med båt. Alle andre kan nytta den naturlege stien. Det kan lagast universelt utforma brygge på sikt. Alt må ikkje vera klart med ein gong. Det er mogleg å tenka trinnvis utbygging. Mange ulike brukarar vil ha nytte av hytta her. Kommunen må tenka folkehelseperspektiv i alle aldrar. Tilgjenge er ein udiskutabel rettighet.

Rådet for personar med nedsett funksjonsevne ønskjer å plassera dagsturhytta i Flesjane. Framlegget føreset ikkje ein lovnad om universell tilrettelagt tilkomst med båt, men ved å plassera hytta i Flesjane veit ein at dette er ein moglegheit. Rådet var samrøystes eining om framlegget til Henrik Røen.

I samband med innspel om plassering av hytta i nærleiken av Fitjavatnet er ein kommentar frå rådet at det ikkje er høve til å koma seg opp med rullestol eller elektrisk rullestol. Det er også svært krevjande for andre som har utfordringar med å bevegeligheit, og ikkje kan koma seg fram på andre måtar.

Kommentarar til innspelet frå prosjektgruppa

Prosjektgruppa er positive til plassering av dagsturhytta i Flesjane. Innspelet vart drøfta i prosjektgruppa i eit kort møte 21.10.20.

Både Kvernesvatnet og Flesjane er lokalisert på same gards- og bruksnummer, eigd av kommunen. Prosjektgruppa har ikkje vore på synfaring i Flesjane, men har ein del kjentskap til området ettersom turstien til Flesjane har same utgangspunkt som turstien til Kvernesvatnet. Ved å plassera hytta i Flesjane kan ein koma seg fram med både båt, kano, kajakk og til fots. Området har utviklingspotensiale, og ein kan tenka høve for trinnvis utbygging slik som råd for personar med

nedsett funksjonsevne legg fram. Høve til universell rampe for båt i Flesjane kan også knyttast til utvikling av Bjørkheimsområdet.

Kart over området:

